

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.12.2018թ. թիվ 1808868391 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 12 2018թ. 17-13-130645-18/17-13-11481

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռոմիկ Ավանեսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Խուդյակովի փողոցի 84/2 շենքի 8-րդ բնակարանի բնակիչ Ռոմիկ Ավանեսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 06.12.2018թ. թիվ 1808868391 որոշումը՝ նշելով, որ իրավախախտումն արձանագրած տեսանյութում ավտոմոբիլի համարանիշը անընթեռնելի է:

Դիմումի քննարկման արդյունքում պարզվել է, որ դիմումատուի փաստարկը վարչական ակտը վերանայելու հիմք չի կարող հանդիսանալ՝ հետևյալ պատճառաբանությամբ.

Դիմումատուն, ըստ էության կասկածի տակ չի դնում տվյալ դրվագում իրավախախտման առկայությունը, այլ վիճարկում է այն միայն որոշման մաս կազմող տեսանյութում՝ երթևեկելի մասի երկրորդ շարքում տեղակայված մոխրագույն արձաթափայլ գույնի <<LEXUS>> մակնիշի ավտոմոբիլի հաշվառման համարանիշի անընթեռնելի լինելու հիմքով:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Վիճելի որոշման անհատական ծածկագրի տակ զետեղված տեսանյութից և դրանից հանված լուսանկարների խոշորացված (zoom) ուսումնասիրությամբ հստակ է դառնում, որ իրավախախտման փաստի անհատական ծածկագրի տակ և վիճարկվող վարչական ակտի լուսանկարում որպես իրավախախտում կատարող տրանսպորտային միջոց արձանագրվել է 88OP883 հաշվառման համարանիշի տրանսպորտային միջոցը, որը Ճանապարհային ոստիկանության էլեկտրոնային ռեգիստրում գրանցված է Ռոմիկ Սանջանի Ավանեսյանի անվամբ, հետևաբար հիմնավորվել է նաև որոշման իրավաչափությունը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.12.2018թ. թիվ 1808868391 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռոմիկ Ավանեսյանին:



Ե.Կարապետյան